



# Deddf Archwilio Cyhoeddus (Cymru) 2013

2013 dccc 3

## RHAN 1

### ARCHWILYDD CYFFREDINOL CYMRU

## PENNOD 2

### SWYDDOGAETHAU'R ARCHWILYDD CYFFREDINOL

*Darpariaethau cyffredinol ynglŷn ag arfer swyddogaethau'r Archwilydd Cyffredinol etc*

#### **8 Sut y mae swyddogaethau i gael eu harfer**

- (1) Mae gan yr Archwilydd Cyffredinol ddisgresiwn llwyr o ran y modd y mae swyddogaethau'r swydd honno i gael eu harfer ac nid yw'n ddarostyngedig i gyfarwyddyd na rheolaeth y Cynulliad Cenedlaethol na Llywodraeth Cymru.
- (2) Ond mae'r disgresiwn hwn yn ddarostyngedig i is-adran (3).
- (3) Rhaid i'r Archwilydd Cyffredinol—
  - (a) anelu at gyflawni ei swyddogaethau yn effeithlon ac yn gosteffeithiol;
  - (b) rhoi sylw, fel y mae'n ystyried yn briodol, i'r safonau a'r egwyddorion y disgwylir i ddarparwr arbenigol proffesiynol mewn cyfrifyddiaeth neu wasanaethau archwilio eu dilyn;
  - (c) rhoi sylw i gyngor a roddir iddo gan SAC (gweler adran 17(3)).